



Aqqaluaq B. Egede, Inuit Ataqaqatigiit
/maani

Ineqarnermut akiliut pillugu § 37 naapertorlugu apeqquummut 2020-183-mut akissuteqaat

13-11-2020
Sullap nr.: 2020 - 22102
ID nr. 58647168

Asasara Aqqaluaq B. Egede


Inatsisartut Suleriaasianni § 37 naapertorlugu ineqarnermut akiliut pillugu Naalakkersuisunut apeqquqarputit. Apeqqutitit uannut akisassanngorlugit innersuunneqarput. Apeqqutit matuma kinguliani ataasiakkaarlugit issuarneqarput, akissuteqaat kingornaniilluni.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl


Apeqqut 1: Piffissami 2010-miit 2020-mut Namminersorlutik Oqartussat Nuummi inissiaatai attartortittakkat Inissiaatileqaqatigiiffillu INI-mit ingerlanneqartut agguaqatigiisillugu inimit akiliut kiisalu agguaqatigiisillugu inimit akiliutitit iluarsiiisut paasissutissiisutigineqaqqullugu Naalakkersuisunut noqqaassutigineqarpoq. Agguaqatigiisillugu inimit akiliut iluarsiiisutaasartorlu kvadratmeterimut koruuninngorlugu procentinngorlugulu ukiumiit ukiumut qanoq innersoq paasissutissiisutigeqquneqarpoq.

Akissut: INI A/S-imiit paasissutissanik piniartoqarpoq. INI A/S-ip matuma kinguliani titartagartaliussat pingasut takussutissiaraat, taakkunani takutinneqarluni attartukkamut ataatsimut ineqarnermut akiliut, m²-imut ataatsimut ineqarnermut akiliut kiisalu m²-mut %-nngorlugu qaffannera, paasissutissat tamarmik ukiumoortumik naatsorsorneqarput.


Titartagartaliussami attartukkamut ataatsimut ineqarnermut akiliut koruuninngorlugu ukiumut agguaqatigiisillugu takutinneqarpoq:



Titartagartaliussami ineqarnermut akiliut pr. m²-mut ukiumut agguaqatigiissillugu koruuninngorlugu takutinneqarpoq.



Titartagartaliussami 2010-imiilli ineqarnermut akiliutip ukiumut qaffannera takutinneqarpoq



Apequt 2: Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersumi, kingusinnerusukkut allannguuteqartumi, paragraffeq/-fit sorleq/-liit naapertorlugu/-git ineqarnermut akiliut suna imaluunniit qanoq qaffasissuseqassanersoq allaaserineraat Naalakkersuisunut paasissutissiissutigineqaqquvoq, attartornermut naatsorsuineq aamma attartornermi allannguutaasinnaasut pillugit ilimasaarisarneq eqqarsaatigalugit.

Akissut: Inissianik attartortitsisarneq pillugu Inatsisartut peqqussutaat nr. 2., 12. maj 2005-imeersumi § 28-imi allassimavoq "najugaqatigiiffimmi inissianik attartortitsinermi isertitat tamakkiisut sukkuulluunniit annertussusilerneqarnerini, najugaqatigiiffiup aningaasartuutit tamanik akiliisinnaanissaa periarfissinneqassaaq, matumani ilanngullugit aningaasaliissutit iluanaarutinut illumik piginnittumut akiliutit aningaasartuutit, tak. § 31, aamma ingerlatsinermut atatillugu aningaasartuutit, matumani ilanngullugit allaffissornikkut aqutsinermut akiliutit, tak. § 32, imm. 1-6, aserortersarnermik pinaveersaartitsinermut akiliutit, tak. § 32, imm. 7, aamma akiliutissatut illuartitallu aalajangikkat".

Ineqarnermut akiliut najugaqatigiiffimmi ingerlatsinermut missingersuutit attartortitsisumit ukiumut tulluuttumut suliarineqartut akuerineqartullu tunngavigalugit ukiumoortumik aalangersarneqartarput, takuuk § 28, imm. 2.

Ineqarnermut akiliummut qaffaaneq qaammatinik pingasunik ilimasaaraluni pisinnaavoq, tassa imaappoq, ukiumut aggersumut januaarip aallaqqaataaniit

atuutilersinnaanissaanut, ineqarnermut akiliummut qaffaanissaq pillugu ilimasaarineq septembarip qaammataata naanerani kingusinnerpaamik pisinnaavoq.

Apeqquut 3: Attartornermut akileeqqusissuteqarnikkut isertitat Namminersorlutik Oqartussat Nuummi inissiaataasa attartortittakkat ilaatigut naleqassusaasa attatiinnarnissaannut aserfallakkiartunnginnissaannullu ingerlatsinermut aserfallatsaaliuinernullu naammannersut Naalakkersuisut uppersarsinnaavaat?

Akissut: Aningaasaqarnikkut Ingerlatsineq pillugu Nalunaarut 2020-imi: 5.4.2 Pisortat inissianik attartortittagaannut atatillugu aaqqissuusseqqinnissamut naleqqat, ataani immikkoortumi siullermi allassimavoq.

"Piffissami sivisuumi inissiat attartortittakkat aallunneqarput, minnerunngitsumik inissianik iluarsartuussinermit kinguaattooqqaneq pillugu. 2019-ip ingerlanerani inissiat attartortittakkat pillugit misissueqqissaarnerit arlallit qanoq issutsinik nalilersueriaatsit nutarsarneqarnissaannik pisariaqartitsisoqarneranik ersersitsisut ingerlanneqarput, tassungalu ilanngullugu kinguaattooqqanerup qanoq annertutiginera pillugu piffissami atuuttumi inissisimanerpiamik takutitsinissaq ilanngullugu".

Tassunga ilanngunneqarsinnaavoq, aningaasanut inatsimmi kontup 89.72.12 Inissialiassat taartissanillu inissialiortiterneq, ataani aningaasaliissutinik immikkoortitsisoqarmat, ilaatigut ingerlaavartumik iluarsaassisarnissamik, isaterisarnissamik kiisalu inissiatinik nutaanik sanaartornissamik qulakkeerisumik.

Apeqquut 3 a: Taamaappat Namminersorlutik Oqartussat Nuummi inissiaataasa ineqarnermut akiliutip iluarsivigineqarnissaannut sukumiisumik qanimullu pilersaaruteqarnersut Naalakkersuisut paasissutissiissutigeqquneqarput aamma iluarsineq procentinngorlugu paasissutissiissutigeqquneqarluni.

Akissut: Takuuk apeqquummut 3-mut akissut, maannakkorpiaq Namminersorlutik Oqartussat inissiaataanni attartortittakkani qanoq issutsinut nalilersuinerit nutarterneqarput, tamatuma kingorna taakkuninnga misissueqqissaarneq, ineqarnermut akiliummut siunissami aalajangersaanissaq qanoq isikkoqassanersoq ersarissitseqataasussaalluni. Naalakkersuisut misissueqqissaarnerit taakkua inernerit utaqqimaarpaat, tamatumalu kingorna ineqarnermut akiliutinik iluarsisoqassanersoq isummerfigineqarumaarluni.

Apeqquut 3 b: Taamaangippat naammattumik ineqarnermut akileeqqusisoqartarnissaanut malittarisassat suut Naalakkersuisunit piumasaqaataasut saneqqutaarneqarnersut paasissutissiissutigeqquneqarpoq.

Akissut: Naalakkersuisut paasissutissiisnaapput, ineqarnermut suliassaqarfimmi aaqqissuusseqqinneq ingerlanneqarmat. Siunissami pilersaarutaasumik piffissakkaartumik aserfallatsaaliuisarnissaq qulakkeerniarlugu, Naalakkersuisut inissiat attartortittakkat qanoq issusaannik paasiniaaneq annertoq ingerlappaat. Paasiniaaneq naammassippat, ineqarnermut akiliutip iluarsineqarsinnaaneranut tunngavissat pitsaanerulertussaassapput.

Apeqqu 4: Namminersorlutik Oqartussat Nuummi inissianik attartortittakkatulli ineqarnermut akiliut assigalugu inissianik attartortittakkanik amerlanerusunik Naalakkersuisut sanaartortitsinissaminnik pilersaaruteqarpat?

Akissut: Naalakkersuisut aningaasaqarnermut killissaliussat, ukiut tamaasa Inatsisartunit akuerineqartartut, innersuussutigisinnaavaat. Naalakkersuisut nuna tamakkerlugu ineqarnermut tunngasut isiginiarpaat, aammalu Aningaasanut inatsit tunngavigalugu pingaarnersuisarlutik. Maannakkorpiaq Nuummi inissianik attartortittakkanik sanaartornissamik pilersaaruteqartoqanngilaq.

Apeqqu 4 a: Taamaappat sukumiisumik qanimullu pilersaarutininik peqarnersoq Naalakkersuisunut paasissutissiissutigeqquneqarpoq.

Akissut: Takuuk apeqqu 4-imut akissut.

Apeqqu 4 b: Taamaangippat Naalakkersuisut naliliinerat malillugu kommunip suliassaatur isigineqarnersoq Naalakkersuisunut paasissutissiissutigeqquneqarpoq.

Akissut: Nuummi inissiamik pilersuineq pillugu § 37 naapertorlugu apeqqu 2020-181-imi apeqqu 1-imut akissut Naalakkersuisut innersuussutigissavaat. Akissuteqaat ilinnut apeqqu 1-imut nassiunneqarpoq.

Neriutigaara matuma siulianiittuni apeqqu 1-imut akineqarsimassasut.

Inussiarnersumik inuulluaqqusillunga


Karl Frederik Danielsen